



玉機微義卷之二十六

脹滿門

諸經敘脹所因

鍼經曰夫脹者皆在于臟腑之外排臟腑而廓胸脇脹皮膚故命曰脹或厥氣在下榮衛留止寒氣逆上真邪相攻兩氣相搏乃合為脹也

按論中備五臟六腑發脹為諸證宜玩本文

內經曰諸腹脹大皆屬於熱腹滿膜脹支滿脘脇下厥上胃過在太陰陽明乃寒濕鬱遏也

原病式曰腹脹大鼓之如鼓氣為陽陽為熱氣其則如是也

脉法

針經曰其脉大堅以瀦者脹也

脉經曰關上脉虛即脹內遲而滑者脹脉盛而緊者脹

嚴氏曰脹脉浮者易治虛者為難  
論脹分三因

陳無擇云臟氣不平勝乘相因為病如怒傷肝肝剋脾脾氣不正必脹於胃名曰勝剋怒乘肺肺氣不傳必脹於大腸名曰乘剋憂思結聚本臟氣鬱皆內所因或胃寒暑風濕隨經絡傳至陽明致脹者屬外因飲食飢飽生冷甜膩聚結不散或作疝塊膨脹滿悶屬不內外因也

按此論肝木勝乘脾肺為脹滿即東垣所謂脾胃之上不足火木大勝致脹也此不言火况怒傷肝者豈無火動耶所出

大半夏湯以桂附中加參歸以調血氣言其脉弦遲恐非肝氣剋脾臟閉腑鬱病也

論腹脹屬濕

內經云太陰所至為畜滿又云太陰所至為中滿霍亂吐下又云諸濕腫滿皆屬脾土

按發明辨云脾為陰中之太陰又云脾為陰中之極陰乃為坤元亘古不遷之土天為陽也火也地為陰也水也在人則為脾同陰水之化脾有餘則腹脹食不化故無陽則不能化五穀脾盛乃大寒為脹滿故脉經云胃中寒則脹滿大抵此病皆水氣寒濕為之也治宜大辛熱之劑如土久於雨水中則為泥矣豈能生化萬物必待和風暖日濕去陽生自然長

生矣脾濕有餘無陽則不能化五穀所以宜辛熱治之必愈然亦有輕重

論腹脹有熱有寒屬外感

東垣曰經云諸腹脹大屬熱此乃八益之邪有餘之證自天外更感風寒之邪傳入于裏寒變為熱作胃實日晡潮熱大渴引飲譫語是太陽陽明併病大實大滿者大承氣湯下之少陽陽明微滿實者小承氣湯下之五常正大論云下之則脹已是也假令痃瘕為脹滿亦有寒脹熱脹是天之邪氣傷暑而得之不即時發至秋暑氣衰絕而瘕病作矣知其寒也局方交加飲子是也豈不聞素問及靈樞經中說內虛不足中寒濕令人中滿及五臟六腑俱有脹滿更以張家寒熱多少較之胃中寒則脹

滿陰陽應象論云濁氣在上則生腹脹針經云脹取三陽三陽者之太陽膀胱寒水為脹與通評虛實論中說腹暴滿按之不<sub>言竟前</sub>下取太陽經絡者胃之募正同五臟生成論云腹滿腹脹<sub>言竟前</sub>胃中寒濕<sub>竟前</sub>過故也<sub>言竟前</sub>脾經所謂胃中寒則脹滿也又厥論云大陰之厥則腹滿腹脹後不利不欲食食則嘔不得卧按所說寒脹多如此湯液醪醴論中說中滿治此當開鬼門謂發汗也<sub>言竟前</sub>淨府利小便也又云中滿者瀉之於內謂脾胃有病當令上下分消其氣下焦如瀆氣血自然分化不待泄滓穢如或大實大滿大小便不利從權以寒熱藥下之

論腹脹屬內傷所致

東垣曰或傷酒濕麪及味厚之物膏粱之人或食已便卧使濕

熱之氣不得施化致令腹脹滿此亦是熱脹調經篇云因飲食勞倦損傷脾胃始受熱中未傳寒中皆由脾胃之氣虛弱不能運化精微而致水穀聚而不散而成脹滿此寒濕鬱遏而脹也醪醴論中治法謂先瀉其血絡後調其真經氣血平陽布神清此治之正也或曰諸腹脹大皆屬於熱者何也此乃病機總辭假令外傷風寒有餘之邪自表傳裏寒變為熱而作胃實腹滿仲景以承氣湯治之亦有膏梁之人濕熱鬱於內而成脹滿者此熱脹之謂也大抵寒脹多而熱脹少治之者宜詳辨之

論鼓脹屬濕熱

丹溪曰心肺陽也居上腎肝陰也居下脾居中亦陰也屬土經曰飲食入胃遊溢精氣上輸於脾脾氣散精上歸於肺通調水

道下輸膀胱水精四布五經並行是脾具坤靜之德而有乾健之運故能使心肺之陽降腎肝之陰升而成天地交之泰是為一平人今也七情內傷六淫外淫飲食不節房勞致虛脾土之陰受傷轉運之官失職胃雖受穀不能運化故陽升陰降而成天地不交之否清濁相混隧道壅塞鬱而為熱熱留為濕濕熱相生遂成脹滿經曰鼓脹是也以其外雖堅滿中空無物有似於鼓膠固難治又名曰蠱若虫侵蝕之義理宜補脾又須養肺金以制木使脾無賊邪之患滋腎以制火使肺氣得清却厚味斷妄想遠音樂無有不安醫者不察急於作効病者苦於脹急喜行利藥以求通快不知覺實得一日半日其腫愈甚病邪甚矣真氣傷矣古方惟禹餘糧丸又名石中黃丸又名蠱金丸制

肝補脾殊為切當亦須隨證加減用之予友俞仁叔連得家難  
年近五十得此疾自製禹餘糧丸服之其脉弦濡而數予曰此  
丸新製煨煉之火邪尚存溫熱之藥太多宜自加減不可執方  
俞笑曰此方不可加減服之一月口鼻見血色黑骨立而死又  
楊兄年近五十性嗜酒病瘡半年患脹診其脉弦而濡重則大  
瘡未愈手足瘦而腹大如蜘蛛狀予教以參朮為君當歸川芎  
芍藥為臣黃連陳皮茯苓厚朴為佐生甘草此小作濃湯飲之  
一日定三次彼亦嚴守戒忌一月後瘡愈又半年小便長而脹  
愈中間須稍有加減大意只是補氣行濕又陳氏年四十餘性  
嗜酒大便時見血春間患脹色黑而腹大形如鬼狀脉數而濡  
重似弱以四物湯加連苓朮通白朮陳皮厚朴生甘草作湯與

之二三月而安一補氣一補血餘藥大率相出入皆獲安或曰氣  
血補法今何補氣而獲安予曰氣無補法俗論也痞悶壅塞似  
証於補不思正氣虛者不能自運經曰壯者氣行則愈弱者則  
著而成病若不補氣邪何由行或曰子之藥審矣何効之遲也  
病者將厭子之迂而求速效矣予曰此病之起或三五十年或十  
餘年根深勢篤難求速効知王道者能治此病或曰脹病將終  
不利耶予曰灼知其不虛病淺胃壯積滯不痼而又有可下之  
證矣

按此論七情內傷六淫外侵致脹合東垣所謂八益之邪有  
餘之證自外入也內傷勞倦虛損脾胃致不足之證自內  
生也可見虛實之殊寒熱病機互有則用藥當有所據矣

論脹為諸氣所致

詳見氣證明

論脹為諸積所致

陳無擇云五積久而必心腹脹滿但內所因不待成積即致也亦當隨其臟氣而平治之

謹按脹滿屬寒或內傷或諸氣或因病數服通利藥脾胃虛而致者為甚多屬濕熱者少至積成者亦甚有之但古方多不分治如禹餘糧丸類燥熱氣血之劑於內鬱之火豈得不反有所助耶夫治是疾遇大實且滿燥實痞閉氣滯或始由內傷脈洪實者非下之不可然有服下劑過多或瀉痢後所至或素脾胃虛弱不能運化而成者皆宜補脾行濕蓋此際正

氣已衰矣况積而脹乎故云平治之又如血畜血瘀致者當從血藥治之寒者熱之熱者寒之結者散之清濁混者分清之或升降其氣或消導皆宜適事為故可也

論濁氣在上則生腹脹

內經云清氣在下則生飧泄濁氣在上則生腹脹此陰陽反作病之逆從也發明曰夫腹脹者以寒熱溫涼論之此何脹也曰此飲食失節為脹乃受病之始也濕熱亦能為脹右關脈洪緩而沉弦脈浮於上是風濕熱三氣相合而為病也是脾胃之令不行陰火亢甚乘於脾胃盛則左遷而陽道不行是六腑之氣已絕於外太盛能令母實風氣外絕風氣外絕者是穀氣入胃清氣營氣不行便是風氣也異呼同類即胃氣者是也經云虛

則兼其所勝土不勝者肝之邪也是脾胃之土不足火木大勝者也經云濁陰出下竅濁陰走五臟濁陰歸六腑濁陰歸地此平康不病之常道反此則為脹也經云飲食不節起居不時者陰受之陰受之則入五臟入五臟則腹滿閉塞調經論云下脘不通則胃氣熱熱氣熏胸中故內熱下脘者幽門也人身之中上下有七衝門皆下衝上也幽門上衝吸門吸門者會厭也衝其吸入之氣不得下歸於腎肝為陰火動相拒故咽膈不通致濁陰之氣不得下降而大便乾燥不行胃之濕與客陰之火俱在其中則腹脹作矣治在幽門使幽門通利泄其陰火潤其燥血生益新血幽門通利則大便不閉吸門亦不受邪其膈咽得通腹脹腹滿俱去矣是濁陰得下歸地矣故經曰中滿者瀉之

於內此法是也

論下之則脹已

發明曰西北二方地形高寒經曰陰者其精奉於上其寒在外故曰寒則氣浮知陰之寒涼西北二方之氣為主用也異法方宜論云北方之人臟寒生滿病亦謂適寒涼者脹皆秋冬之氣也在人則為肺腎冬天之時寒涼在外六陽在於坤土之中坤土者人之脾胃也五臟之病外寒則必內熱脉經所謂五臟脉小皆為消瘴之病消瘴者消穀善飢北方之地無不能食者此也陰勝陽虛下之則愈正謂此也病機云諸腹脹大皆屬於熱下之則脹已此理悉矣

謹按脹主下之一法亦大畧言爾故出方宜之論若泛用之

多住往腹脹是失運化之職也。然是證雖主於下，蓋病因寒熱積濕氣血機本不同於治可不為分例云。

脹滿門

調理之劑

局方紫沉通氣湯治三焦氣滯不能宣通腹脹便澁方見氣證門  
濟生紫蘇子湯治憂思多度致傷脾胃心腹脹滿喘促煩悶腸  
鳴氣走澀澀有聲大小便不利脉虛緊而瀉

蘇子兩

大腹皮

草果仁

半夏

厚朴製

木香

陳皮

木通

白朮

枳實

人參

甘草各半兩

右咬咀每四錢入姜棗煎

按此二方手足太陰之劑也

三因大半夏湯治肝氣不平勝尅於脾脾鬱不行結聚涎沫閉

於臟氣腑氣不舒胃則脹滿其脉弦遲故知中虛胃冷脹滿  
服此可下氣進食

半夏洗

桂心各五錢

附子

人參

甘草炙

厚朴製

當歸

茯苓

枳實炒各三錢 川椒炒去毒

右剉每四大錢入姜棗煎

禹餘糧丸治中滿氣脹喘滿及水氣脹

蛇含石三兩煨

真針砂五兩

禹餘糧

三兩同上炒

已上三物為主其次量人虛實入下項藥

木香

牛膝

蓬朮炮

白茯苓

桂心

川芎

白豆蔻

茴香炒

三稜

羌活

茯苓

乾姜

青皮

陳皮

附子炮

當歸 各半兩

右為末拌勻以湯浸蒸餅去水搗勻丸如梧子大每五十九空心溫酒下

按此治寒脹消積藥也氣血之劑陰陽之氣下陷者可照故存之與前方並是太陰例

東垣木香順氣湯治濁氣在上則生臌脹

木香 三分

厚朴 四分

青皮

陳皮

益智仁

茯苓

澤瀉

乾生姜

半夏

吳茱萸 湯洗各二分

當歸 五分

升麻

柴胡 各二分

草豆蔻 煨三分

蒼朮 三分

右以咀水煎

按此是太陽陽明厥陰藥也

木香塌氣丸治中焦腹脹

羅白子炒

陳皮 各五錢

胡椒

草豆蔻 煨

木香

青皮 各三錢

蝎梢 去毒二錢半

右為細末水糊為丸梧子大每三十九溫米飲下忌服油膩白粥百日量人大小與服陰囊腫用青鹽乾姜白麩為末水調貼之

中滿分消湯治中滿寒脹寒疝大小便不通陰躁足不收四肢厥逆食入反出下虛中滿腹中寒心下痞下焦躁寒沉厥奔豚不收並宜服之

益智仁

半夏

茯苓

木香

升麻 各三分

吳茱萸

草豆蔻

黃芪 各五分

川烏頭

澤瀉

人參

青皮

當歸

生姜

麻黃

柴胡

乾姜

黃連

畢澄茄

黃柏 各三分為熟因寒用

右咬咀只作一服水煎

按此二方治寒脹之劑也

廣茂瀆堅湯治中滿腹脹內有積塊堅硬如石令人坐卧不安

大小便澀滯上氣喘促通身虛腫

厚朴

黃芩

益智仁

草豆蔻

當歸 各五錢

黃連 六錢

半夏 七錢

廣茂

升麻

紅花

吳茱萸 各三錢 甘草 生

柴胡

澤瀉

神麴

青皮

陳皮 各三錢

渴者加乾葛 四錢

右咬咀每七八錢水煎食前溫服

中滿分消丸治中滿鼓脹氣脹水氣脹大熱脹

黃芩

黃連

枳實 炒

半夏 製 各五錢

姜黃

白朮

人參

甘草 炙

猪苓 各錢

生乾姜

白茯苓

砂仁 各二錢

厚朴 一兩

知母 四錢

澤瀉

陳皮 各三錢

右為細末水浸蒸餅為丸梧子大每百丸焙熟白湯下食後

寒因熱用故焙服

按此並治熱脹之劑也又濕熱之藥  
攻下之劑

三因七物厚朴湯治腹滿發熱脉浮數飲食如故脹滿者為熱  
脹

厚朴炒兩

甘草炙

大黃各三錢

枳實炒半兩

桂心一分

右為末每四大錢入姜棗煎嘔者加半夏

按此治熱之劑陽明例藥也

簡易是齋推氣丸治三焦痞塞氣不升降腹脹

檳榔

陳皮

黃芩

大黃

枳實

黑牽牛等分

右為末煉蜜丸梧子大每五七十九臨睡湯下量虛實與服

楊氏消脹丸

木香

黑牽牛

蘿蔔子炒

檳榔

右等分為末水糊丸梧子大每三十九

宣明肉豆蔻丸治食滯腹脹如鼓不食者病可下

肉豆蔻

檳榔

輕粉各錢

黑牽牛一兩棗頭末

右為末糊為丸如棗豆大每服十九二三十九煎連翹湯下

食後日三服

按此並氣分藥也

雞屎醴散治心腹脹滿且食不能暮食致令胃逆鼓脹證

大黃

桃仁

雞屎醴

乾者等分

右為末每二錢水煎入姜食前服

按此血分藥也

東垣沉香海金沙丸治一切積聚脾濕腫脹肚大青筋羸瘦

海金沙一錢半沉香二錢

輕粉一錢

牽牛末一兩

右為末獨蒜如泥為丸如梧子大每三十九煎白沸燈心通

草湯量虛實與服

海金沙散治脾濕太過腹脹如鼓

方見濕門

按此二方治濕之劑也

沉香交泰丸治濁氣在上干擾清陽之氣宛而不伸以為膜脹

沉香

白朮

當歸各三錢

厚朴

製五錢

枳實炒

吳茱萸洗

白茯苓

澤瀉

陳皮

青皮

木香各二錢

大黃酒浸二兩

右為末湯浸蒸餅為丸梧子大每五十加至七十九溫湯送下

按此分消之劑也氣血之藥

三花神佑丸治一切腫病大腹實脹喘滿

方見濕門

按此治濕熱之藥也

治積聚之劑

澹寮三稜煎丸治心腹堅脹脇下緊硬胸中痞塞喘滿

京三稜

半斤為末以酒三升銀器內熬成膏

青皮

蘿蔔子炒

神麩炒各兩

麥蘖炒三兩

礶砂一兩

乾漆炒

杏仁炒各半兩

右為末以膏子丸如梧子大每三十九食後溫米飲下

導氣丸治諸氣痞塞關膈不通腹脹如鼓大便虛秘

青皮用水銜炒

莪朮蟲垂炒

三稜乾漆炒

檳榔斑猫炒

茱萸牽牛炒

乾姜礶砂炒

附子鹽炒

赤芍川椒炒

胡椒面香炒

石菖蒲桃仁炒

右各剉與所同炒藥熟去水蛭等不用只以青皮等十件為

末酒糊為丸如梧子大每五丸至七丸空心紫蘇湯下

塌腫神應丸治諸蠱毒腹脹

方見積聚門

按此並治積聚導氣散鬱之劑也又能入血分

謹按已上攻治諸方皆有輕重所宜之製宜對證選用不得

少差致有實實虛虛之失也發明曰禁服論云約方猶約囊

也囊滿弗約則輸泄方成弗約則神與氣俱未滿而知約之

可以為工不可以為天下師此聖人所以退太過而進不及

以平為期也大凡氣味者有毒無毒固宜常制矣是以大毒

治病十去其六常毒治病十去其七小毒治病十去其八無

毒治病十去其九餘以穀肉果菜食養盡之至如君一臣二

奇之制也君二臣四耦之制也近而奇耦制小其服遠而奇

耦制大其服大則數少小則數多則九之少則二之補上

治上制以緩補下治下制以急急則氣味厚緩則氣味薄下

不以耦汗不以奇隨其邪之所在高下淺深輕重虛實影響  
無間萬舉萬全是謂中行故可為師也假如病大而湯劑小  
則邪氣少屈而藥力已乏欲不復治其可得乎猶一杯之水  
救一車薪之火竟不能滅是謂不及故不可為師而可以為  
工矣小而湯劑大則邪服已盡而藥有餘力欲不傷正何所  
容哉猶火炎崑岡玉石俱焚莫之能止是謂太過此又不可  
以為工是乃粗醫也三者之論惟中而已過與不及皆為偏  
廢然而太過尤甚於不及何以明之蓋失之於姑息邪復勝  
正者止於勞而無益猶可勉而適中或失於苛暴則正氣被  
傷因而羸瘠者有之危殆者有之滅亡者有之非徒無益而  
又害之此所謂尤甚也可不戒哉嘗者仲景之書於承氣條  
下攻裏則曰若更衣止後服於桂枝湯後發表乃云藜藜微  
汗益佳不可令如水淋漓本乎軒岐之微旨有所得耳

卷之二十六

玉機微義卷之二十七

喉痺門

論喉痺為火熱所致

原病式曰喉痺痺木仁也俗作閉由閉塞也火主腫脹故熱客上焦而咽噎腫脹也

子和曰內經云一陰一陽結謂之喉痺王太僕曰一陰者手少陰君火心主之脉氣也一陽者手少陽相火三焦之脉氣也二脉並絡於喉氣熱則內結結甚則腫脹腫脹甚則痺痺甚而不通則死矣夫推原十二經惟足太陽別下項其餘皆湊于喉嚨然內經何為獨言一陰一陽結為喉痺蓋君相二火獨勝則熱結正絡故痛且速也予謂一言可了者火是也故十二經中言噎

乾噤痛咽腫頤腫舌本強皆君火為之也惟喉痺急速相火所為也夫君火者猶人火也相火者猶龍火也八火焚木其勢緩龍火焚木其勢速內經之言喉痺則咽與舌其兩間耳然其病同於火故不分也後之醫者各詳其狀強立八名曰單乳蛾雙乳蛾單閉喉雙閉喉子舌脹木舌脹纏喉風走馬喉閉熱氣上行故傳於喉之兩傍近外腫作以其形似是謂乳蛾一為單一為雙也其比乳蛾差小者名閉喉熱結於舌下復生一小舌子名曰子舌脹熱結於舌中舌為之腫名曰木舌脹木者強而不柔和也熱結於咽喉腫遠於外且麻且痒腫而大者名曰纏喉風喉痺暴發暴死者名曰走馬喉痺此八種之名雖詳若不歸之火則相去遠矣其微者可以鹹熨之而大者以辛散之令之

醫者皆有其藥也如薄荷烏頭僵蚕白礬朴硝銅碌之類也至於走馬喉痺何待此乎其生死人反掌之間耳其最不誤人者無如砭針出血血出則病已易曰血去惕出良以此夫昔予治一婦人木舌脹其舌滿口諸醫不愈令以銚針小而銳者砭之五七度腫減三日方平計所出血幾至盈斗又治一男子纏喉風腫表裏皆作藥不能下予以涼藥灌於鼻中下下餘行外以投毒散傳之陽起石燒赤與伏龍肝各等分細末之日以新水掃百遍三日熱始退腫始消又嘗治一貴婦喉痺蓋龍火也雖用涼劑而不可使冷服為龍火宣以火逐之火者烹飪之火是也乃使爆於烈日之中登于高堂之上令侍婢携火爐坐樂銚于上使藥常極熱不至大沸通口時時呻之百餘次龍火自散

此法以熱行寒不為熱病杆格故也大抵治喉痺用針出血最為上策但人畏針委曲旁求瞬息喪命凡用針而有針創者宜搗生薑一塊調以熱白湯時時呷之則創口易合銅人中亦有灸法然痛微者可用病速者恐遲則殺人故治喉痺之火與救火同不容少待內經火鬱發之發謂發汗然咽喉中豈能發汗故出血者乃發汗之一端也後之君子母執小方而曰吾藥不動臟腑又妙於出血若幸遇小疾而獲效不幸遇大病而死矣毋遺後悔可也

論喉痺為傷寒所致

龐氏曰經云伏氣之病古方謂之腎傷寒謂非時有暴寒中人伏毒氣於少陰經始衰不病旬月乃發脉微弱法當咽痛似傷非喉痺之病次必下痢

謹按少陰傷寒一二日病乃不自太陽傳也因是經不足而卒中寒寒邪抑鬱內格陽氣為熱上行於咽門經會之處寒熱相搏而痛或成喉痺為醫不察脉證虛實即用寒涼之劑攻治卒致殞沒而患者自謂其分嗚呼冤哉殊不察少陰病咽痛及生瘡不能言聲不出者藥用甘苦辛溫制其標病以通咽蓋至若傷寒伏氣內發咽痛兼下利清穀裏寒外熱面赤脉微弱者用辛熱之藥攻其本病以順陰陽利止則水升火降而咽痛自無也此非雜病一陰一陽結為喉痺之比不可妄施針砭及寒涼之藥且夫火熱之動為病急速子和論治已詳然傷寒伏氣為病咽痛或腫本陰寒厥甚逼熱上行

其喉為痺，逼熱下行，必便膿血，此標熱而本寒也。仲景自有治例，故子和畧之不議。若是則火熱喉痺腫甚者，急用藥吹點或刺，少商、合谷、豐隆、湧泉、關衝等穴，以解脈絡之結。輕者內與甘辛涼劑降火，制其標本，亦不可使用苦寒之藥。攻治倘有內寒格熱為病，吾恐反增其勢矣。

論喉痺為痰飲所致

詳見痰飲門

論喉痺為氣逆所致

詳見氣門

論喉痺為風燥所因

陳無擇云：風燥皆使喉痺咽腫，則不能吞乾，則不能嚥，多因飲

啖辛熱，或復嘔吐，咯傷致咽，系乾枯之所為也。與喉門自別。又有懸門、暴腫、閉塞、喉癰，亦如喉閉，但懸雍在上，腭俗謂鶯翁，又謂之鶯聚，俗語聲訛，不可不備識。

喉痺門

吹點藥

濟生二聖散治纏喉風急喉痺

鴨背騰礬 二錢半

白殭蚕 炒去絲背半兩

右為末每用少許以竹管吹入喉中

白礬散治急喉閉

白礬 三錢 巴豆 二箇去殼作六瓣

右將礬於鉢內慢火熬化為水置巴豆其內候乾去巴豆取礬研為末每用少許吹入喉中立愈

楊氏一字散治時氣纏喉風漸入咽塞水穀不下牙關緊急不省人事者

雄黃 研

錫梢

白礬 括

藜蘆

猪牙皂角 炙各等分

右為末每用一豆大鼻內噴之立效

三因玉鑰匙治風熱喉閉及纏喉風

焰硝 一兩半

鵬砂 半兩

腦子 一字

白殭蚕 一錢

右研勻以竹管吹半錢許入喉中立愈或加雄黃二錢名金鑰匙

宣劑

三因解毒雄黃丸治纏喉風及喉痺卒然仆倒失音不出聲或牙關緊急者

雄黃 一兩

巴豆 去油十四箇

麝香 一錢

右研醋糊丸菉豆大熱茶清下七丸吐出頑涎即甦省未吐  
再服至如死者亦以物斡開口灌之下咽無有不活者吐洩  
此小不妨

丹溪方用射干汁和逆流水吐之 用桐油以鵝翎蘸探吐之  
用燈火油脚吐之

治熱之劑

局方龍腦雞蘇丸治上焦熱咽腫噎痛

方見熱門

澹寮牛蒡子散治風熱上壅咽喉腫痛或生乳蛾

牛蒡子研

玄參

升麻

桔梗

犀角

黃芩

木通

甘草 各等分

右吹咀每半兩水煎入生姜二片

拔萃桔梗湯治熱腫喉痺

桔梗

甘草

連翹

炮子

薄荷

黃芩

右為吹咀入竹葉煎

百一選方治咽喉腫閉

山豆根洗淨新汲水浸少時

右以一塊入口中含之嚥下苦汁未愈再用

治火之劑

局方碧雪

涼膈散

方並見火門 絳雪見下

御藥院麝香朱砂丸治咽喉腫閉或作瘡或舌根腫痛者

馬牙硝 青七錢

鉛白霜 三錢 鵬砂 三兩

龍腦 三錢 寒水石 燒去麝香 二錢 朱砂 一兩半

甘草 十兩 麝香

右研極細用膏子和丸如桐子大朱砂為衣每含化一二丸  
一法減鉛霜麝香甘草只五味名絳雪散

龍麝聚聖丹治心脾客熱毒氣攻衝咽喉腫赤痰痛或成喉癭  
或結硬不消愈而復發經久不差或舌本腫脹滿口生瘡

川芎 一兩

生地黄

犀角屑

羚羊角屑

南琥珀

南玄參

連翹 各半兩

人參

赤茯苓

馬牙硝

腦子

麝香 各錢

桔梗

升麻

鉛白霜 研各半兩

朱砂

牛黃 各等分

南鵬砂 研兩

金箔 五十片

右末煉蜜丸每兩作十九丸金箔為衣以薄荷湯化下或細嚼  
或含化之

按已上諸方有輕重之分宜隨證選用

治風之劑

局方如聖勝金錠子治咽喉急閉腮頰腫痛并單蛾雙乳蛾結  
喉重舌木舌並皆治之

硫黃 細研

川芎

臈茶

薄荷葉

川烏炮

硝石

生地黄

各等分

右為宋生葱汁搜和為錠每服先用新汲水灌嗽次嚼薄荷  
五七葉却用藥一錠同嚼極爛以井花嚥下甚者連進三服  
并含之即安

本事方利膈湯治脾肺有熱虛煩上壅咽喉瘡腫

薄荷葉

荊芥穗

防風

桔梗

人參

牛蒡子炒

甘草各等分

右咬咀每半兩食後水煎服

治寒之劑

仲景半夏湯治傷寒寒相搏咽痛或聲不出者

半夏

桂枝

甘草炙等分

右咬咀每七八錢或半兩水煎放冷細細嚥之

按本論咽中傷生瘡不能言聲不出者少陰證用苦酒湯或  
桔梗等方皆可選用

二因蜜附子治肺寒咽閉吞吐不利

大附子

一箇去皮臍切作大片蜜塗炙令黃

右每含嚥津甘味盡更以附片塗蜜炙用

治痰之劑

玉隱君礞石滾痰丸治痰執咽噎腫痛不利

桔梗半夏湯治痰氣不降咽腫欲成喉痺者

方並見痰飲門

三因玉粉丸治寒痰壅結咽喉不利語聲不出者

半夏

洗五錢

草烏

一字炒

桂字

右末生薑自然汁浸蒸餅丸如雞頭大每大人一丸至夜含  
化多年不愈亦有效針經中說寒氣客於會厭卒然如啞此  
藥主之

卷之二十七

玉機微義卷之二十八

淋閔門

小便不禁附

胞痺附

淋閔脉證

脉經曰少陰脉數婦人則陰中生瘡男子則氣淋熱結下焦  
則令人淋閔不通淋之為病小便數如粟狀小腹弦急痛引臍  
中

論淋證主熱

原病式曰淋小便澀痛也熱客膀胱鬱不能滲泄故也或曰小  
便澀而不通者為熱遺尿不禁者為冷豈知熱甚客于腎部干  
於足厥陰之經廷孔鬱結極甚而氣血不能宣通則痿痺而神  
無所用故液滲入膀胱而旋溺遺失不能收禁也經云日得血

而能視臟得血而能液腑得血而能氣夫血隨氣運氣血宣行則其中神自清利而應機能為用矣又靈樞經曰腎主二陰然水衰虛而悌熱客其部分二陰鬱結則痿痺而神無所用故洩便遺失而不能禁止然則熱證明矣是故世傳方論雖曰冷淋復用榆皮黃芩瞿麥茯苓通草雞蘇郁李仁梔子之類寒藥治之而已其說雖妄其方乃是由不明氣運變化之機宜乎認是而為非也或謂患淋而服茴香益智滑石醇酒溫藥而愈者然則非冷歟不知此皆利小便之要藥也蓋醇酒益智之性雖熱而茴香之性溫滑石之性寒所以能開發鬱結使氣液宣通熱散而愈也

按此只是論熱因處治然寶鑑曰小便不利其治有三不可槩論津液偏滲於腸胃大便洩瀉而小便澀少者宜分利而已熱傳下焦津液則熱熱而不行者必滲泄則愈脾胃氣澀不能通調水道下輸膀胱而化者故可順氣令施化而出矣可見非止於熱因也况有標本不同有論見後大抵三因謂大率有五者總病機言也以氣為本者氣行而水自化也亦氣血之謂然有得之於胎氣者丹溪云鄭憲使子年十六生七箇月後得淋病五七日必一作其發則大痛水道下如漆和粟者一盞方定脉之輕則瀟重則弦視其形瘦而長色青如蒼意其必因其父服下部藥遺熱在胎留於子之命門而然遂以紫雪和黃栢末丸梧子大晒及乾熱湯下百丸半日又下二百丸食物壓之又半日痛大作連腰腹水道乃行下

漆和粟者。概許痛減十之八。後張子中與陳皮一兩。桔梗木通各半兩。又下一合許。而安。父得燥熱。尚能病。子况母得之者乎。書此以證東垣紅絲瘤之事。云云。見婦人門。

### 論淋澀主寒

寶鑑曰。痺論云。胞痺者。小腹膀胱按之內痛。若沃以湯。澀於小便。上為清涕。夫膀胱為州都之官。津液藏焉。氣化則能出焉。今風寒濕邪客於胞中。則氣不能化出。故胞滿而水道不通。其證少腹膀胱按之內痛。若沃以湯。澀於小便。以足太陽經其直行者。上交額上。入絡腦。氣下灌於鼻竅。則為清涕也。

按此則知淋澀有寒熱之殊。大抵人之所稟。虛實受病不同。宜參脈理分治。

### 論淋澀分二因

陳無擇云。淋古謂之癘。名稱不同也。癘者罷也。淋者滴也。古方皆云。心腎氣鬱致小腸膀胱不利。復有冷淋濕淋熱淋等屬。外所因。既言心腎氣鬱。與夫驚思恐憂。即內所因。况飲啖冷熱房室勞後及乘急忍溺。多致此病。豈非不內外因也。大率有五。曰冷。曰熱。曰膏。曰血。曰石。五種不同。皆以氣為本。

嚴氏曰。五淋氣石血膏勞是也。氣淋為病。小便澀常有餘瀝。石淋。壅中痛。尿不得卒出。膏淋。尿似膏出。勞淋。勞倦即發。痛引氣衝。血淋。過熱即發。甚則溺血。候其鼻頭色黃者。小便難也。大抵此證多由心腎不交。積蘊熱毒。或酒後房勞。服食熱燥。七情鬱結所致。癘閉淋澀為病。皆一類也。

按此云五淋名各不同故兩存之然石淋世俗又名沙石淋  
子和曰世人多為服金石燥熱之劑得之常見農家有此證  
豈是服金石之人也大抵是膀胱蓄熱而成此疾如湯糲久  
在火中煮瓶底白碱而不能去沙石淋之證與此理同其論  
最為得矣內經云少腹熱澀出白液亦甚似之也

論小便不利氣病血病之異

發明曰難經云脉有關有格何謂也然關則不得小便格則吐  
逆關者甚熱之氣格者甚寒之氣是關與出之由故曰關格無  
入之理故曰格也按寒在胸中遏絕不入熱在下焦填塞不便  
內經曰人迎大四倍於氣口名曰格氣口大四倍於人迎名曰  
關關則不得小便格則吐逆夫小便者是足太陽膀胱所主長

生於申申者西方金也故金能生水金者肺也肺中伏熱水不  
能出是絕小便之源也人輔相天地膀胱之源自頭項下至於  
足故曰陽中之陰如渴而小便不通者不得降是也故聖人之  
法皆用清燥金之正化氣薄之藥茯苓澤瀉琥珀燈心通  
草車錢子瞿麥篇竹之類皆為滲淡之藥能瀉肺火而清肺金  
滋水之化源也若熱在下焦是絕其流而溺不泄也須用氣味  
俱厚陰中之陰藥治之長安工善夫病小便不通漸成中滿腹  
大堅硬如石壅塞之極腿脚堅脹裂裂出黃水雙睛凸出晝夜  
不得眠飲食不下痛苦不可名狀伊戚趙謙甫請予求治視歸  
從夜至旦耿耿不寐究記素問有云無陰則陽無以生無陽則  
陰無以化又云膀胱者州都之官津液藏焉氣化則能出矣此

病小便癃閉是無陰而陽氣不化也。凡利小便之藥皆淡味  
滲泄為陽止是氣藥陽中之陰非北方寒水陰中之陰所化者  
也。此乃養養太過膏梁積熱積北方之陰腎水不足膀胱腎之  
室久而乾涸小便不化火又逆上而為嘔噦非膈上所生也。獨  
為關非格病也。潔古云熱在下焦填塞不便是治關格之法。今  
病者內關外格之病悉具死在旦夕。但治下焦可愈。隨處以稟  
北方寒水所化大苦寒之味者黃柏知母桂為引用。尤如桐子  
大沸湯下二百丸。少時來報服藥須更如刀刺前陰火燒之痛  
溺如瀑泉湧出。卧具皆濕床下成流。顧盼之間腫脹消散。予驚  
喜曰。大哉聖人之言。豈可不遍覽而執一者也。其證小便澀塞  
而不渴時見躁者是也。凡諸病居下焦皆不渴也。二者之病一  
居上焦在氣分而必渴。一居下焦在血分而不渴。血中有濕故  
不渴也。二者之殊至易分別耳。

謹按或問肝主小便淋澀。今治法主腎。何也。然大凡病便數  
者多腎經氣虛而然。淋澀者有標本之分。氣熱鬱結則膀胱  
津溢主約不利為本病。小腹痛不得便。下焦氣脈實而不利  
是客約不行為標病。傷寒變極者遺泄。今且視是少陰腎先絕  
也。故此三經干於下部為病。非獨肝也。或脾肺之氣不能通  
調水道。下輸膀胱。清氣不降。皆能為癃。腎氣虛而濁氣不  
升。虛熱干於厥陰之絡。陰廷痿痺而神無所用。乃旋溺頻數。  
人老年來多有此患矣。腎虛極則水涸火熾。真氣散而死也。  
或曰。若久寡居之人。病便數者。豈腎氣虛之不為約乎。然是

金為火鑠土為水濡腑臟兼體相資之道失濕熱甚而經脉  
縱緩亦成斯疾也觀先哲用腎氣丸等以收精氣之虛脫為  
養氣滋腎伐火導水使機關利而脾土健實之意是焉若全  
指為虛寒處治者是則一槩論也

論小便不禁或癃為下焦虛實不同

內經曰胞移熱於膀胱則癃溺血膀胱不利為癃不約為遺溺  
注曰膀胱為津液之腑水注由之然足三焦脉實約下焦而不  
通則不得小便足三焦脉虛不約下焦則遺溺也靈樞經曰足  
三焦者太陽之別也並太陽之正入絡膀胱約下焦實則閉癃  
虛則遺溺

王海藏曰因有盧氏醫鏡見姜附石脂硃砂丹一藥味數分兩

皆同惟丹砂一味用伏火者及治病有差所治者小便數而不  
禁怔忡多忘魘夢不已之不同耳其不同者審而詳之乃得此  
之治決不差耳泛舉之言腎主大便肝主小便淋澀難經云小  
腸為赤腸是面赤色及便溺赤色者皆出心與小腸南方赤色  
顯於外也經言下焦如瀆者正謂大小便也大便為陰為有形  
乃下焦之下者也腎臟為病主大便不言大腸者明矣子行父  
之道小便為氣所化乃下焦之高者也謂肝主小便淋澀亦是  
子行父道為腑病諸氣化者皆腑諸有形血化者皆臟病所主  
此腑言膀胱病此二證俱在下焦則同藥有形無形及在臟在  
腑有殊俱是丹田衰憊不言心火者以其相火化行君之令故  
也細分之則膀胱壬水勝丙小腸者是不傳陰則陰不病何為

有形病此為陰之體也為腑之用也天地陰陽反為體用以斯可見是明五臟者為六腑所用六腑者為五臟所用明矣是有形皆為傳陰也夫小便不禁是膀胱不約為遺溺此不傳陰也是丹田胞絡受寒為壬所尅大抵諸腑皆盛有形物有形病皆在腑責其所來皆在臟也用伏火硃砂者去其寒邪耳治法同者以其俱在下焦補諸無形同在胞絡耳以其胞與腎相對有故也腎主大便肝主小便所治安得不殊

按此論遺溺為經虛之本病也然亦有悞服涼劑太過而致者如東垣曰立夏前悞用白虎湯過多致遺溺者宜溫藥升陽以解之是也故用藥者當審誅口無過之戒

謹按丹溪先生曰淋證多主於氣尿亦有死血作淋者小便不通實熱者當利之因氣者宜吐之以提其氣氣升則水自下蓋氣承載其水也痰多者用二陳湯先服後吐痰氣閉塞者二陳加木通香附探吐一男子病小便不通醫用利藥而加剝先生曰此積痰病也積痰在肺肺為上焦膀胱為下焦上焦閉則下焦塞譬如滴水之器必上竅通而後下竅之水出焉乃以法大吐之吐已病如失然此可見癰淋又不獨主於經病也

淋閼門 小便不禁附

治淋澁之劑

金匱腎氣丸治腎虛小便淋澁及婦人子淋

方見補虛門

錢氏導赤散治心經蘊熱小便赤澁或成淋痛

方見熱門

局方五淋散治膀胱有熱水道不通淋澁不出或尿如豆汁或

成沙石或如膏或熱拂便血

赤茯苓 各錢

山梔子 各錢 當歸

甘草 各五錢

右吹咀每半兩入燈心水煎

本事火府丹治小便赤少及五淋澁痛

木通

黃芩 各兩

生地黄 二兩

右為末煉蜜丸如梧子大每五十九丸木通湯下

濟生小薊飲子治下焦結熱尿血成淋

生地黄

小薊根

通草

滑石

山梔仁

蒲黃 炒

淡竹葉

當歸

藕節

甘草

右等分為吹咀每半兩水煎空心服

琥珀散治五淋澁痛小便膿血

琥珀

海金沙

沒藥

蒲黃 各研

右各一兩和勻每三錢食前煎壹草根湯調下日二服

按已上諸方並血分藥也

局方八正散治小便熱淋澀痛

清心蓮子飲治小便濁或澀

方並見熱門

立効散治下焦熱結小便黃赤淋悶疼痛或有血出

瞿麥穗 兩 甘草 三分 山梔 炒去皮半兩

右末每五錢入葱白燈心姜煎食前時時服

濟生地膚子散治諸病後體虛觸熱熱結下焦遂成淋病小便

赤澀數起少出

猪苓 地膚子 知母 黃芩

海藻 通草 瞿麥 枳實炒

升麻 葵子

右吹咀每半兩水煎入姜

按已上方又氣中之血藥也

海金沙散治小便淋瀝及下焦濕熱氣不施化或五種淋疾癢

閉不通

海金沙研 木通 瞿麥穗 滑石

通草各兩 杏仁 去皮尖

右末每五錢水煎入燈心二十根

寶鑑茯苓琥珀湯治小便數而欠淋漓脉沉緩時時帶數

五苓散加琥珀 半兩 滑石 七分 甘草 三分

右細末每五錢長流水煎服食前

按已上並氣分藥也

局方石葦散治膀胱有熱水道不通淋瀝不出臍腹急痛當作  
有時勞倦即發或尿如豆汁或出砂石

芍藥

白朮

滑石

葵子

當歸

瞿麥各三錢

石葦

木通各二錢

甘草

王不留行

右為末每二錢空心小麥湯調下

按此血中之氣藥也與已上並治熱之劑

三因生附散治淋而脉沉微小便秘澀數起不通竅中痛

附子

滑石各三錢

瞿麥

木通

半夏各一兩半

右為末每二錢入姜二片燈心二十莖蜜半匙水煎食前服

按此治竅之劑也

治癰閼之劑

東垣滋腎丸治下焦陰虛脚膝無力陰汗陰痿足熱不履地不

渴而小便閉

黃柏

酒洗焙

知母

酒洗焙各兩

肉桂

二錢

右為末水丸如桐子大每服百丸加至二百丸煎百沸湯送

下

白花散治小便不通膀胱蘊熱

朴硝

右末每二錢煎面香湯調下食前

樓已上並血分藥也

清肺散治渴而小便閉或黃或澀

五苓散加琥珀半錢

燈心一分

木通七分

通草一分 車前子炒分 瞿麥錢

篇蓄七分

右為細末每五錢水煎食前服作湯亦可

紅林散治小便不通止喘

紅林黍根兩 篇蓄兩半

燈草一百根三寸長

右吹咀每五錢長流水煎服

按此上並氣分藥也

黃芩清肺飲治肺燥而小便不通

黃芩一錢

梔子三箇打破

右吹咀長流水煎服不利加鹽豉二十粒

滋陰化氣湯治因服熱藥過多小便不利諸藥不效或臍下悶

痛難忍

黃連

黃柏各炒

甘草炙等分

右吹咀每五錢水煎食前服如不通加知母

按此二方助陰藥也

治胞痺之劑

千金方茯苓丸治胞痺小便內痛

赤茯苓

防風

細辛

白朮

附子炮

澤瀉

官桂各兩

天花粉

紫苑

牛膝酒浸

黃芪

芍藥

甘草各三分 生地黄 山茱萸 山藥

獨活 半夏各分

右末蜜丸梧子大每十九温酒送下食前

巴戟丸治胞痺臍腹痛小便不利

巴戟 志蓮 桑螵蛸 麝香 遠志 山芋

生地黄 附子 炮 續斷 肉苁蓉 酒浸各二兩

杜仲 炒 石斛 鹿茸 酥炙 龍骨

兔絲子 酒浸 五味子 山茱萸 桂 各三分

右十六味細末蜜丸梧子大每三十九空心酒下

腎瀝湯治胞痺小腹急小便不利

麥門冬 木通 桔梗 桑白皮

杜仲 炒 犀角 屑 五加皮 各兩 赤芍 五錢

右以咀每五錢水煎加羊腎一箇竹瀝少許

宣明腎著湯治胞痺證小腹膀胱按之內痛者淡以湯瀉於小

便上為清涕不止者

赤茯苓 白朮 各四兩 甘草 炙三兩 乾姜 炮二兩

右為末每五錢水煎温服日三

按此四方當分寒熱之異選使然腸痺亦有腹痛飧泄小便

秘澁者宣明論有證治例詳見本論又可見小便不利非止

胞痺為患也

治淋瀝不禁之劑

局方二氣丹台 虛裏寒 膀胱積冷陽漸微小便不禁

硫黃石 肉桂各一分 乾姜炮 朱砂為衣各一分

附子 一枚大者炮去皮臍為末半兩

右為末糊丸如梧子大每五十九鹽湯下食前

姜附赤石脂朱砂丹治小便數而不禁怔忡多忘履夢不已

附子生 乾姜各半兩 赤石脂兩半飛朱砂一兩研

右為細末酒糊為丸如菡豆大每十五至三十九大便有

病米飲下小便不禁後吞湯下

按此二方助陽之劑也

御藥院方秘元丹治內虛裏寒自汗時出小便不禁

白龍骨三兩 訶子十箇 砂仁一兩 靈砂二兩

右為末煮糯米粥丸如梧子大每五十九空心鹽酒下

按此匡陽之劑也

濟生兔絲子丸治小便多或致失禁

兔絲子二兩 牡蠣煨 附子炮 五味子

鹿茸酒炙各兩 茯苓酒浸二兩 雞胫炙乾 桑螵蛸酒炙各半兩

右為末酒糊丸如梧子大每七十九空心鹽湯溫酒任下

三因家韭子丸治下元虛冷小便不禁或成白濁

家韭子酒炒 鹿茸酒浸 牛膝 熟地黃 當歸各兩 巴戟去心 兔絲子酒浸各兩半

杜仲 石斛 桂心 乾姜炮各一兩

右為末酒糊丸如梧子大每百九空心湯酒任下

按此一方力大之劑也

茯苓丸治心腎虛弱志不守小便淋瀝不禁

赤茯苓 白茯苓 等分

右為末以新汲水按洗澄去新沫控乾別取熟地黃汁與好酒同於銀石器內熬成膏搜和丸如彈子大空心煎酒罇下一丸

按此滋陰固真之劑也

雜方

澹寮桑螵蛸散治小便頻數或如稠米泔色

桑螵蛸 桑螵蛸 桑螵蛸

喜蔞 益炙

龍骨

人參 茯神

當歸

鱉甲 醋炙各等分

右為末每二錢臨卧人參湯送服

五子丸治小便頻數時有白濁

兔絲子

酒蒸家韭子炒

益智仁

茴香炒

蛇床子 去皮炒等分

右為末酒糊丸如桐子大每七十九米飲益湯任下

治小便不通諸藥無效或轉胞至死此法用之便自出用猪尿

胞一箇底頭出箇小竅兒着翎筒通過放在竅內根底細線

繫之翎筒口子細杖子堵定上用黃蠟封尿管口頭吹滿氣

七分繫定了再用手捻定翎筒根頭放了黃蠟堵塞其翎筒

放在小便頭放開翎筒根頭手其氣透裏自然小便即出大

有神効

灸小便淋症 灸多少熱填滿病人臍中是神效

却用筋

灸七壯良驗或灸三陰交完

一法小水悶澁以猪膽連汁籠住小便少時汁入自出

如人用藥末於菜子安入陰戶中必通

有傳黍玉淋閉不通邀予治之診脈兩寸



